

ҚАЗАҚ



ӘЛ-ФАРАБИ АТЫНДАҒЫ ҚАЗАҚ ҰЛТТЫҚ УНИВЕРСИТЕТІ



УНИВЕРСИТЕТІ

№5 (1639)
14 ақпан
2017 жыл

Апталық 1948 жылдың 20 сәуірінен шыға бастады

www.kaznu.kz

10 февраля профсоюз «Парасат» работников КазНУ им. аль-Фараби провел очередную отчетную конференцию о работе за 2016 год. Председатель профсоюза Т.К. Мекебаев отметил, что основная задача «Парасата» – защита профессиональных, трудовых, социально-экономических прав и интересов его членов. Это – достойная заработная плата работников, повышение жизненного уровня за счет совершенствования системы оплаты труда, улучшение условий труда и быта, охрана труда и здоровья работников. Проводить такую работу эффективно стало возможным благодаря поддержке администрации вуза и ректора академика Г.М. Муганова.

СОЦИАЛЬНОЕ ПАРТНЕРСТВО

Значительно активизировать деятельность профсоюза позволило принятие нового Коллективного договора и создание Согласительной комиссии. Коллективный договор

РАБОТА НА ПЕРСПЕКТИВУ

На заседании ректората КазНУ рассмотрены вопросы выполнения дорожной карты по вхождению в топ-200 университетов QS WUR физико-техническим и механико-математическим факультетами, а также диверсификации образовательных программ.



ЖАҢА КҮШ, ЖАҢА СЕРПІН

Көктемгі сәуірдің алғашқы күндері факультетіміз үшін тың серпіліспен басталды. Биология және биотехнология факультетінің экс-студенттік деканының қорытынды есебі тыңдалып, жаңа студенттік декан тағайындалды.

Осы уақытқа дейін өз қызметін мінсіз атқарған студенттік декан Кенжебек Радмира Бердиярқызы студенттерді жана жетістіктерге жетелеп, ҚазҰУ-да өткен іс-шараларда бастай білді. Студенттердің мүдделері үшін өзін-өзі басқаруды дамыту аясында да атқарған істері ауқымды.

Талмай еткен еңбегі және университетіміздің дамуына қосқан үлесі үшін Жастар ұйымы комитеті ұсынысымен, ректор, академик Ғ.М. Мұтановтың бұйрығымен ҚазҰУ-дың 80-жылдық мерейтойлық медалімен марапатталды. Есеп беру кешінде факультет деканы б.ғ.д., профессор Б.К. Заядан, декан орынбасары М.Х. Нармұратова және студенттік ректор А.Ә. Ерниязова, сонымен қатар өзге факультеттердің студенттік декандары мен өзін-өзі басқару ұйымдарының төрағалары қатысып, жылы лебіз білдірді.

Сондай-ақ жаңадан сайланған студенттік декан «Биотехнология» мамандығының 3-курс студенті Самат Айтұғанов өзінің стратегиялық жоспарымен таныстырып, факультет басшылығының және студенттерінің алдында факультетіміздің алға серпіліс жасауына тыңғылықты істер атқаратындығына уәде берді.

Самат Айтұғановқа факультетіміздің белсенді әрі дарынды студенттері қолдау көрсетуде үлгі болады деп сенеміз. Студенттер басшысы жұмысына жетістіктер мен сәттіліктер тілейміз!

Саят ШАРАХМЕТОВ,
биология және биотехнология факультетінің
аға куратор-ұйымдастырушысы

ИННОВАЦИЯ КЕЛЕШЕГІ – жастардың қолында

ҚР Президенті Н. Назарбаевтың «Қазақстанның үшінші жаңғыруы: жаһандық бәсекеге қабілеттілік» атты халыққа Жолдауында ел экономикасын еркендетіп қана қоймай, білімді дамыту, руханиятымызды жаңғырту мәселелері көтерілген болатын. Елбасы өскелең ұрпақты өз бетімен ізденуге үндеп, осы бағытта оқыту бағдарламаларын жетілдіруді тапсырды. Сонымен қатар, ІТ-білімді, қаржылық сауаттылықты, ұлтжандылықты дамытуға баса көңіл белу қажеттігі айтылды.

Бүгінде маманнан талап етілетін техникалық біліктілікті, ғылым мен инновацияны меңгерген тұлғаның күні туған заман. Ерінбей еңбек еткен, талмай ғылым іздеген, жалықпай техника меңгерген, инновациялық ақыл-ойлы және озық көзқарасты адам ғана Қазақстан экономикасының инновациялық әлеуетін арттыруға ықпал ететіні сөзсіз. Мұны тек тиімді ғылыми-инновациялық жүйе құру арқылы ғана жасауға болады.

Осы мақсатты ұстанған «Есеп және аудит» мамандығының бітіруші курс студенттері үлкен қызығушылықпен жуырда «Тұран» университетінде «Сколково» қорының қолдауымен өткен Startup Tour инновациялық жобалар форумына қатысты.

Almaty Tech Garden басшыларының айтуынша, инвесторлар мен сарапшылардың назарына биологиялық, медициналық технология, ауыл шаруашылығындағы биотехнология, өнеркәсіптік технология,



энергетика, ақпараттық технология өндірісі бойынша 250-ге тарта өтінім ұсынылған. Негізгі міндет қызықты стартап бастамаларды ЕАЭО нарығына шығару болғандықтан, инновациялар жаһандық нарыққа шыққан жағдайда ғана сәтті болатындығы айтылды. Сондай-ақ Ресейдегі бизнес-орта біздікінен өзгеше екендігіне студенттердің көзі жетті.

Бағдарлама аясында таныстырылған «Есеп және аудит» мамандығының 4-курс студенттері – Ерғали Нұрқалиев пен Ұлжан Дәулетқызының жобасы бойынша қазір инвесторлармен келіссөздер жүргізілуде. Жамбыл және Қызылорда облыстарының әкімшіліктері қолдау білдірген студенттердің «Электронды Қазақстан» жобасының маңызды сипаттары – ел экономикасындағы көлеңкелілікті жою, жемқорлықты азайту, салықтық түсімді 100% түсіру, төлем жүргізуді автоматтандыру, дағдарыстың алдын алу, т.б.

Форум бағдарламасы бойынша өткізілген

шаралар аясында Мәскеу ғалымдарымен кездесу өтті. Студенттер өздерінің инновациялық ұсыныстарына деген көзқарастарын жеткізе отырып, менторлармен бірлесіп жұмыс істеу үрдісін үйренді.

Ел ертеңі – білімді жастар. «Бұлақ көрсен көзін аш» дегендей, қазақ жастарын білімге бағыттау жолында Елбасы Н. Назарбаев «Қазақстанның болашағы – бүгінгі жастар. Сіздер оларға қалай білім берсеңіздер, Қазақстан сол деңгейде болады» деп атап көрсеткен. Елімізде атқарылып жатқан іс-шаралар мен саяси ахуал жастарымыздың ғылыми зерттеуге қызығушылығын тудырып, арқау болары сөзсіз.

А.К. БЕЙСЕНБАЕВА,

есеп және аудит кафедрасының доценті;

К.Т. АКИМБАЕВА,

есеп және аудит кафедрасының
аға оқытушысы

Жану мәселелері институтының ғалымдары өздігінен таралатын жоғары температуралық синтез режимінде кремнийді алудың жаңа технологиясын ойлап тапты

Тарих, археология және этнология факультеті қаңтар айында Жамбыл облысы, Қордай ауданының 9,10,11-сынып оқушыларына арнап білім мен ғылым, инновация ордасы – әл-Фараби атындағы ҚазҰУ кампусын таныстыру мақсатында жастарды болашаққа бағыттайтын кездесу ұйымдастырды.

Мемлекет басшысы Н.Назарбаевтың Қазақстан халқына Жолдауында берілген басымдылықтар мен бағыттар әр сала бойынша атқарылар шараларға негіз болып табылады. Биылғы «Қазақстанның үшінші жаңғыруы: жаһанлық бәсекеге қабілеттілік» жолдауының мазмұны мен мақсаттары, оның ішінде білім беру саласына қатысты басымдықтары оқушылармен өткен кездесуде де кеңінен түсіндірілді. Жолдауда білім беру бағдарламасы сыни ойлауға, ізденіске қабілетті құзыреттерді қамтуы тиістігі ерекше аталып, адам капиталының сапасын жақсартудағы тетікті бағыт ретінде төртінші басымдылықта көрсетілді. Қала мен ауыл арасындағы білім берудегі сапа айырмашылығын азайту, іздену дағдыларына қажетті мүмкіндік жасау жолдары кездесу барысында ерекше назарға алынды.

Рухани БАЙЛАНЫС

Шараға қатысқан әрбір оқушының кәсіби маман болуы, азаматтық қоғамның толық мүшесі ретінде өзін танытуы, тұлға ретінде қалыптасуында жоғары оқу орнының ықпалы орасан. Кампусты аралап жүрген сәтте бір оқушының «ҚазҰУ-ды мен түсімде көрдім. Мен үшін ғажайып түс шынайылыққа айналды» деп әсерленуі талай ойға жетелейді. Халықаралық дәрежедегі осындай іргелі оқу орнына түсу үшін жалынды жігермен қатар, сапалы білім керек. Жолдауда айтылғандай, бүгінгі таңда қала мен ауыл арасындағы білім беру деңгейін теңестіретін кезең келді. Қазақтың бүгінгі әр зиялысы ауылдан шыққан болса, осы үдеріс болашақта жалғасын табуы тиіс.

Кездесуде Қазақстан тарихы кафедрасының менгерушісі, ҚР ҰҒА корреспондент-мүшесі, т.ғ.д., профессор Берекет Кәрібаев Жолдаудағы ұлттық сана-сезімді дамытуға қатысты мәселені көтерді. Ғалым қоғамдық сананың тарихи сана арқылы қалыптасуын түсіндірді. Оқушыларға тарихшының бүгінгі таңда атқаратын қызметі жайлы айта келіп, «Өз тілінді білмесен, өзгенің тілінде сөйлейсің, өз тарихыңды білмесен, өзгенің тарихын оқисың» деген сөздермен қорытындылады. Пікірлесіп, ортаға ой салған оқушыларға өзінің «Қазақ хандары» атты кітабын сыйға тартты.

Бүгінде қандай мамандықтар сұраныста және сирек кездесетін мамандарға факультет деканы, т.ғ.к., доцент Мендігүл Ноғайбаева тоқталды. Тарихшылардың арасында антропологиялық реконструкция бойынша мамандар қажет екендігін атап өтті. «Қазір біз Ресей немесе шетел ғылыми орталықтарына тапсырыс берудеміз. Сонымен қатар, мұражайлық экспозиция, мұрағаттық қызметке қатысты әлемдік сұранысқа сай келетін мамандар да қажет. Археологиялық зерттеулердің нәтижелерін талдайтын лабораторияның жұмысын тұрақты түрде жүзеге асыруда осы бағыттағы кәсіби мамандарға мұқтажбыз», – деді Мендігүл Сағатқызы. Тарихшы мамандығының аясы кең екендігін баса айта отырып, факультет басшысы еліміздің саяси, әлеуметтік-экономикалық, мәдениет саласы қызметкерлерін даярлау осы ұжымның басты міндеті екендігін айтты.

Еліміздің бүгінгі даму жолын анықтайтын Жолдауды талқылау және үздік университет қалашығы мен оқытушыларымен пікірлесу оқушыларды жігерлендіріп, болашаққа деген сенімдерін арттыра түсті.

Ә.Т. ТЕЛЕУОВА,

Қазақстан тарихы кафедрасының доценті



«Керемет» студенттерге қызмет көрсету орталығында имидждің киімдер дүкені ашылды.

Дүниенен ал-Фараби атындағы ҚазҰУ логотипі бейнеленген киімдерді (толстовна, свитшот, футболка және т.б.) ала аласыздар. «Керемет» СҚКО-ның төменгі қабатында орналасқан жаңа нысан жеке тапсырыстарды да қабылдайды.

«Керемет» СҚКО анімшілігі

<p>ҚҰРЫЛТАЙШЫ:</p> <p>Әл-Фараби атындағы Қазақ ұлттық университетінің ректораты</p>	<p>РЕДАКЦИЯ АЛҚАСЫ:</p> <p>Бас редактор: Әйгерім ӘЛІМБЕКОВА Жауапты хатшы – Дариға АМАНКЕЛДИЕВА Тілшілер: Әйгерім КАМАЛДИНОВА, Анвар УШУРОВ Дизайнер – Досжан БАЛАБЕКҰЛЫ Фототілші – Марат ЖҮНІСБЕКОВ Корректорлар: Гүлмира БЕКБЕРДИЕВА, Қарлыға ИБРАГИМОВА</p>	<p>МЕКЕНЖАЙЫ:</p> <p>050040, Алматы қ., әл-Фараби даңғылы, 71, ректорат, 11-қабат, №1104 бөлме. Байланыс телефоны: 377-33-30, ішкі: 11-94, тікелей: 377-31-48. Электронды мекенжай: kazuniver2016gazeta@gmail.com</p> <p>Газет редакцияның компьютер орталығында теріліп, беттелді. "Бизнес-Информ" баспаханасында басылды. Тел: 2-93-09-09</p>	<p>Бағасы келісім бойынша. Таралымы 1000 дана Тапсырыс: №71</p> <ul style="list-style-type: none"> ● Жарияланған мақаладағы автор пікірі редакцияның көзқарасын білдірмейді. ● Редакцияға түскен қолжазба қайтарылмайды, үш компьютерлік беттен асатын материалдар қабылданбайды. ● «Қазақ университетіне» жарияланған мақала көшіріліп басылса, сілтеме жасалуы міндетті. ● Жарнама мәтініне жарнама беруші жауапты.
--	---	--	--